

Bidestveanîna mafên neteweyî
yên gelê Kurd di çarçoveya
Îranek Demokratîk û Federalî de

Hejmar: 39
15'ê May 2006
Buha: 150 Tûmen

agiri

Komkirina Dezgehên Setelaytan Li Kurdistanê

Li Îranê xelk bi awayekî ne qanûnî
dikare Setelaytan bi kar bîne!
Komara Îslamî ya Îranê di doma
kiryarên xwe yê bêserm û paşverû de,
di gelaleyekê de, biryara komkirina
dezgehên Setelaytan bi hêzên paşverû
yên xwe dayiye... **R. 8**



Rojnameya panzdehroji ya siyasî, çandî û giştî

Partiya Demokrat ya Kurdistanê Îranê diweşîne

HİKÛMETA HEVGİRTÎ YA KURDISTANÊ RONAHI XISTE NAVA DILÊ NETEWYA KURD

Roja yekşem,
07.05.2006'an, Civata
Nîştimanî ya Kurdistanê
civîneke giring û dîrokî ji
bo bawerî dan bi
Kabîneya Pêncemîn pêk
anî.

Pêkhatin û
ragehandina Hikûmeta
Hevgirtî ya Kurdistanê
tevî vê yekê ku gaveke
giring ji bo zêdetir xurt û
qahîmkirina refên xelkê
Kurdistanê ye, di heman
demê de jî derfet û
delîveyeke çêtir ji bo
avadankirin û pêşxistina
Kurdistanê diafirîne. Ji
wan giringtir rewşa



siyasî ya Kurdan li Îraqê û herêmê de girantir dike. Lewra
ev gave bûye cihê şabûn û keyfxweşiya neteweya Kurd di
hemû parên Kurdistanê de.



**Peyama Pîrozbahiya Deftera Siyasî Ya PDK
Îranê Bi Boneya Pêkhatina Hikûmeta
Hevgirtî Ya Herêma Kurdistanê**

R. 2



**Peyama Pîrozbahiya Rêzdar Mistefa Hicrî
Ji Bo Serokê Civata Wezîrên Kurdistanê**

R. 2

**Komara Îslamî deng ne anî
Endamên Şewra Mafê Mirovan ya Rêxistina
Neteweyê Yekbûyî hatin hilbijartin**

Di pêvajoya pêkanîna
reforman di pêkhatiya Rêxistina
Neteweyên Yekbûyî de gaveke
nû derkete holê. Şewra Mafê
Mirovan ya nû dê cihê
Komîsyona Mafê Mirovan ya berê
a NY bigire.



47 welat divêt bibin endamê
vê Konseyê. Di civîna yekemîn
ya vê saziyê de ku çend rojan
berî niha pêk hat, 44 welat ji 47
welatên endam hatin hilbijartin.
Bijartina 3 welatên din ku divêt ji
Ewropaya Rojhilat bin, di çend
rojên pêşin dê bihê encam dan.
Komara Îslamî ya Îranê yek ji

wan welatan bû ku
gelek hewl û cehd kir,
bibe endamê vê
rêxistina navneteweyî.
Lê ji ber bînpêkirina
xurt û berdewam ya
mafên mirovan li Îranê
deng ne anî û
endambûna Îranê hate
mandel kirin.

**Festîvala Hevpar
Ya Navenda 3'ê
Ya Kurdistanê û
Hêzên Kureya
Başûr**



Dom R. 4


**Çalakî û Hevdîtinên
Sekreterê Giştî Yê PDK
Îranê Li Welatê Bîrîtaniya**

Roja 25'ê Avrîla 2006'an,
Sekreterê Giştî yê PDK
Îranê, birêz Mistefa Hicrî
di gera xwe ya ji bo
welatên Ewropayê gihîştê
London, paytexta welatê
Bîrîtanyayê... **R. 2**



**Demokrasî, Biha û Piratîka Wê
Beşa 27**

Demokrasiya
delîberatîv bi awayên
cur bi cur bala xwe
dide mirovan..... **R. 3**



**Dî 120'emin Salvegera Roja
Cihanî Ya Kedkaran De
Karker Bi Dijwarî Dijîn**

Bi milyonan
bêkar di cîhanê
de hene **R. 5**



**Bandora Çapemeniyê Di Civakê
De û Rewşa Wê li Îranê**

Hebûna belavokan û
xurtî û berfirehiya
weşanên cur be cur yek
ji sedemên pêşketina
çandê û nîşaneya liv û
bizava di her civakê de
ye.... **R. 6**



**Têgihîştina Şaş Ya Rayedarên
Komara Îslamî Li Mafên Jinan**



Li Îranê jin ji
ber li
xwekirina
Îslamî rastî
êrîşan tên...
R. 7


Wêje û Siyaset

Mirovê/a civaka
çewisandî û siyasetgirtî
nikare weke takek
serbixwe bifikire... **R. 9**



RONAKBÎRÎ

Kesê/a ronakbîr, di
berjewendiyên xwe
yên kesane û
rojane de nafikire...



R. 10

Peyama Pîrozbahiya Deftera Siyasî Ya PDK Îranê Bi Boneya Pêkhatina Hikûmeta Hevgirtî Ya Herêma Kurdistanê



Rêzdar Cenabê Nêçîrvan Barzanî
Serokê Civata Wezîrên Hikûmeta Herêma Kurdistanê
 Tevî silaveke germ
 Pêkhatina kabîneya nû û hevgirtî ya Hikûmeta Herêma Kurdistanê bi serokatiya te yê birêz ji bo me hemûyan cihê keyfxweşiyê ye. Bi vê hincetê ve em pîrozbahiye

li cenabê te û tev Wezîrên Kabîneya nû dikin û em hêvîxwaz in, Hikûmeta Herêma Kurdistanê di encamdana erk û wezîfeyên xwe de serkevtî be, Kurdistan di gişt warekê de geşekirin û pêşdeçûna pitir û civatên gelê Kurd jî di vî parçeyê Kurdistanê de jiyaneke bextewertir bi xwe ve bibînin.

Tevî rêz û hurmetên me

Partiya Demokrat ya Kurdistanê Îranê


08.05.2006'ê Zayînî

18.02.1385'ê Rojî

Peyama Pîrozbahiya Rêzdar Mistefa Hicrî Ji Bo Serokê Civata Wezîrên Kurdistanê



Birayê hêja Kekê Nêçîrvan Barzanî
Serokê Civata Wezîrên Kurdistanê
 Tevî silav û hurmetan!



Ragihandina kabîneya nû ya Hikûmeta Hevgirtî ya Kurdistanê bi Serokatiya we yê hêja û bernamaya karê vê hikûmetê, gaveke din ya mezin di pêvajoya pêşdeçûna doza Kurd li Kurdistanê Îraqê û herêmê de ye.

Em tevî xuyakirina keyxweşiya xwe bi vê boneyê, pîrozbahiye ji we yê birêz û ji rêya we re li kit kite endamên hikûmeta nû dikin û em hêviya serkevtinên mezintir di pêvajoya hevgirtina gelê Kurd li Kurdistanê Îraqê û xizmet bi welat ji bo we dixwazin.

Bira û dilsozê we

Mistefa Hicrî

Sekreterê Giştî yê PDK Îranê

Norwey – Oslo

09.05.2006

Çalakî û Hevdîtinên Birêz Sekreterê Giştî Yê PDK Îranê, Kekê Mistefa Hicrî Li Welatê Birîtaniya

Roja 25'ê Avrîla 2006'an, Sekreterê Giştî yê PDK Îranê, birêz Mistefa Hicrî di gera xwe ya ji bo welatên Ewropayê gihîste London, paytexta welatê

Birîtanyayê û ji aliyê şandeke PDK Îranê ve hate pêşwazî kirin.

Hêja Mistefa Hicrî li welatê Birîtanya ev hevdîtin û çalakî pêk anîn:

- Demjimêr 14'ê paşnîvroja roja 25'ê Avrîlê, hevdîtin tevî rêzdarên **"Michael Connarty"** û **"Tom Clark"** endamên Parlemanê

- Demjimêr 17'ê paşnîvroja roja 25'ê Avrîlê, hevdîtin tevî **"Dr. Philip J. Robins"**, fêrkarê zanîngeha **"Oxford"** û berpirsiyarê beşa Rojhilata Navîn li zanîngehê

- Demjimêr 17:30'ê roja 26'ê Avrîlê, hevdîtin tevî xatûna **"Maura Connelly"**, Konsula siyasî li Balyozxaneyê Amerîka li Birîtanya

- Demjimêr 15:30'ê paşnîvroja roja 26'ê Avrîlê, hevdîtin tevî **"Lord Corbett"**

- Demjimêr 13'ê paşnîvroja roja 27'ê Avrîlê, hevdîtin tevî **"Lord Clement Jones"**, her wiha ji aliyê wî, Kekê Mistefa Hicrî bo xwarina nîvrojê (firayînê) li Parlemanê hate vexwendin.

- Demjimêr 13'ê paşnîvroja roja 29'ê Avrîlê, civîn tevî endamên Komîteya PDK Îranê li Birîtanyayê

- Demjimêr 10'ê sibêdeya roja 01'ê Maya 2006'an, hevpeyvin tevî rojnameya **"Asharq Al-Awsat"**

- Demjimêr 17'ê paşnîvroja roja 01'ê Maya 2006'an, hevdîtin tevî **"Lord Eric Averbury"**

Her wiha di wan sê roj, bervar û cihên cuda de, hevdîtin tevî hejmarek

perêzî û kesayetiyên Kurd û Îranî de pêk anî.


Mijar û aliyên basên di hemû hevdîtinan de ji van pêk hatibû:

Bas li ser Îranê û rewşa Kurdan li Kurdistanê Îranê, bipêkirina mafê mirovan ji aliyê rejîmê, xwenîşandanan sala borî û îsal li Kurdistanê Îranê û bînpêkirina mafên neteweyî yên Kurdan ji hêla Komara Îslamî ya Îranê ve, xebat û tekoşîna PDK Îranê, piştigiriya rejîmê ji terorîzmê û girûpên terorîstî, maytêkirin di kar û barê welatên herêmê de bin dirûşa şandina Şoreşa Îslamî û dijberî tevî pêvajoya aştiyê di Rojhilata Navîn de.

Di van basane de Sekreterê Giştî yê PDK Îranê, rewşa herêmê û navneteweyî ji bo tevgera siyasî ya Kurdan di Îranê de jêhatî zanî û her wisan li ser cehd û hewlên rejîmê bo bidestxistina çekên Etomî got: "Partiya me li ser vê baweriyê ye ku teyarbûna Îranê bi çekên Etomî, ji bo gelên Îranê, herêmê, civaka cihanî û Ajansa Vejena Etomê ya Navneteweyî bîxem û piştrast bike, ku bi rastî naxwaze çekên Etomî çê bike. Bi taybet piştî bi ser kar hatina Ehmedînejad û destpêkirina zengînkirina Uraniyûmê, ev guman û şike li cem civaka cihanî xurt û bihêztir kiriye."

Her wiha Birêz Mistefa Hicrî derheq destnîşan kirina rêyekê ji bo derbazbûna gelên Îranê di rewşa zal ya bi ser wan de anî ziman:

"Partiya me li ser vê baweriyê ye,



Hêja Mistefa Hicrî, Sekreterê Giştî yê PDK Îranê - London

rêya herî hêja û jêhatî ji bo serbestbûn di vê rewşa nexweş û dijwar ku gelên Îranê rasî hatine, piştevanîkirin ji Opozîsyona Îranê û Kongreya Neteweyê Îrana Federal e, hevîkîrî û alîkarî kirina bi wan e ku dişê hilweşandina rejîma Komara Îslamî misoger bike û wê demê em dikarin bi hevkarîya me tev aliyekê sistemeke gelî û demokratîk ku hem Îran bikare di asta navneteweyî de cihê jêhatî yê xwe bidestev bîne û hem gelên Îranê bi mafên xwe bigihîjin û bi azadî bijîn û hem jî civaka navneteweyî ji tirsê rejîma Komara Îslamî ya Îranê azad û rizgar bibe, ava bikin."

Hêjayê gotinê ye ku di tev hevdîtinan de birêz Mewlûd Siware, Nûnerê Têkiliyên PDK Îranê li Birîtanyayê bi Sekreterê Giştî yê PDK Îranê re bû.

Demokrasî, Biha û Piratîka Wê

(Beşa 27)

Kurmanc Hakkî
kurmanchakki@yahoo.com

iratîka berhevdana vekirî

PDemokrasiya delîberatîv bi awayên cur bi cur bala xwe dide mirovan. Bingeha wê li ser rêzgirtina wekhev ya mirovane a

ku di bidestveanîn û sazkirina armancên hevbeş û nirx û bihayên hevbeş de tê xuyani kirin û di dema biryara hevbeş de xwastekên takekes û civakê bi hev re tên girêdan. Demokrasiya delîberatîv vê yekê jî berçav digire ku her mirovek dikaribe şaşiyê di têgihîştin li rastiya meselan bike û şîrova û ramanên mirov dikaribin li ser pirsgrîkên exlaqî cuda û şaş jî bibin. Serbarê wê jî, demokrasiyê bawerî bi biryara serbixwe û otonom ya mirov heye, her wekî otonomiya bidestveanîna zaniyariyan. Biryara bi eşkere û vekirî û herwisa vekirîti li diyaloga ser pirsgrîkên ku diviya bihên biryardan, berî biryardanê alîkariya dadperwerî û edaletê dike di berfirehkirina zanyariya mirovan de derbarê wan pirsgrîkên ku divêt biryar li ser wan bihên dan û girêdayî bi jiyana wan heye.

Her çend ku dîtînen "Rawls" û Habêrmas gelek caran ji hev cuda ne, lê hevbeşiya wan di biryardana avedankerewe (konstraktîv) de, rêzgirtina mirovan li hev, serxwebûna biryardanê bi awayekî rasyonel û diyaloga vekirî. Demokrasiya delîberatîv gelek balkêş û ciwan e, lê piratîka wê rabûn û rûniştin li gor pirsên sîpanî karek zehmet e. Bi baweriya lêkolînan "Barry" (1995), hizra îdeal a demokrasiya delîberatîv ya "Rawls", "Scanlon" û Habîrmas bi zehmet di wê serdemê de bihê çî bi çî kirin.

Demokrasiya delîberatîv li siyasêtvanan û biryardan dixwaze bi vekirîtiyê û şîrovekirina eşkere ya civakî sozdar bin. Kêmasiya berhevdana civakî yan diyaloga vekirî dikaribe bi sebebên jêrîn be: (i) Hizra takekesan girêdayî bi kesên din e û ev bi awayekî serbixwe nikaribin biryarê bidin, (ii) takekes di hewla bidestveanîna berjewendiyên xwe yê takekesî yan girûpî ne an jî girêdayî bi biha û nirxên xwe yê kevin in ku nikaribin wan nû bikin. Di hegera (i) da takekes berjewendî û nirx û bihayên xwe nas neke. Ji ber wê yekê takekes nikaribin bi tenê ramanên xwe pêk bînin, xwe girêdayî dîtînen kesên din dikin û bi vî awayî hizr û dîtînen wan nayê nas kirin. Ewa jî di jî merca hizra wekhevî û yeksaniya demokrasiya delîberatîv e, ji ber ku serxwebûna mirovan nabe jê bihê standin. Pirsgrîka beşa (i) demekê tê pêş ku di şûna bawerî bi welatîyan de li dema biryardanê hemû bawerî bi karnas û pisporan li biryardanê de bihê dan.

Di beşa (ii) de hizr û dîtînen takekesan li ser bingeha şîrovekirina kûr ji bo rêzgirtina hevber di navbera takekesan de newestaye. Di wê rewşê de takekes

naxwazibin guhdariya dîtînen kesên din bikin yan jî wan zor micid nagirin, hetanî amade bibin dîtînen xwe biguherin. Takekes di vê rewşê de ne tenê maf û berjewendiyên xwe tevî berjewendiyên giştî girê nadin, belkî hemû xebata wan ji bo bidestveanîna berjewendiyên takekesî û girûpî ye yan jî dîtînen fenatîk dibin sedema wê yekê ku xwe tenê rastiya yekbêj û mutleq bizanibi.

Ew desteyên ku ji bo berjewendiyek taybetî kar dikin weke Habermas daye nîşan kirin, stratêjiya rasyonel bikar tînin. Ewana ji bo gihîştin li armancên xwe li taktîka sozdan û tirsandinê behrê werdigirin, daku welatîyan bi dengdan û alîgirî ji wan hay bidin. Dîtîna han ku bi rasyonala stratêjîk hatiye nas kirin, di berhevkirin bi rasyonala komnîkasyonê de ew cudahiyan dide xuya kirin. Di rasyonelîzma stratêjîk de aliyê pêwendîdar guhê xwe nade kesên din û ji bo wî/wê berjewendî berî her tiştekê tên û rast nebêjî nikaribe bibe hegera pêşgîrî kirin li karê wî/wê. Lê li hember da komnîkasyona rasyonel girêdayî bi hin baweriyên kûrtir e, xasmayî di gehandina armancên xwe û rastbêjiyê de gelek disekine.

Li gor "Gutmann" û "Thompson" (1996) berhevdana Vekirî her gav nikaribe bi awayekî wekhev û medenî here pêş, carna ji bo bidestveanîna rêzgirtina giştî û gihîştin bi dîtînen hevbeş tirsandin û derbirîna hizrên radîkal jî hewce ne. Ew dîtîna han bingeha pîrensîpên demokrasiya delîberatîv pêpeşt dike, xasmayî erka bi edeb bûna Rawls di derbirîna bir û ramanan de.

Serbarê zehmetbûna pîrensîp û bihayên demokratîk, di roja nû de em hinek wan taybetmendiyên demokrasiyê li civakên îro yê demokratîk de ku bi awayê Parlemanî tên îdare kirin, dibînin. Li gor "Jon Elster" (1998) di diyaloga vekirî de mirov bi neçarî carna xwe sansor dike. Heta eger beşdarên diyalogê mirovên fanatîk û radîkal jî bin yê ku tenê li berjewendiyên xwe digêrên ji bo bidestveanîna baweriya civakê û kişandina sirinc û bala wan neçar e xwe sansor bike û bi awayekê xwe bide nîşandan ku alîgirê hez û daxwaza piranî ye.

Li gor "Elster" xwe sansoriya giştî yan ewa ku Habermas bi "filterên diskorsa diyalogê" nav dibe, dikaribe kar bike, heta eger di civakê de rewşa îdeal jî nebe û takekes bi awayekî kûr sozdar nebin bi sinca demokrasiya delîberatîv. Beşdarî û diyaloga vekirî dikaribe rolek girîng di hevsengiya bingehên yasayî û xwestekên giştî de bilîze. Li gorî "Elster" di diyaloga eşkere de mekanîzmek heye ku dikaribe bi mekanîzma xwe paqij nîşander bihê li nav kirin. Wê demê ew kesên ku bi navê wekhevîyê û dadperweriyê diaxivin, dikaribin bikevîne bin bandorê û hizr û ramanên wan bihên guherîn. Nemaze ew

kesên ku dixwazibin wilo nîşan bidin ku tevî girift û konfliktên navxweyî ninin. Rewşa han alîkarek baş



ji bo wan e.

Mînakek di vê derheqê de ku wê rewşê bêtir şîrove bike. Bo nimûne di demokrasiya li ser bingeha hîlbijartin û Parlemanî de heke siyasêtvan bixwazibin ser pîrsek civakî weke zêdekirina heqdestê karkeran bi armanca edalet û dadperweriyê biaxivin, hizra ku di diyaloga vekirî de bas hatiye kirin, dikaribin di gengeşeyên din jî qal pê bikin. Di demeke wilo da eger biryar yan ramanên siyasêtvan û biryardan dadperwerane nebe yan jî di jî berjewendiyên civakê bin ew dikaribin bikevin ber rexne û lomeyên civakê. Vekirîbûn û bi nav û dengbûn bi xwe re hinek şêwazên rabûn û rûniştin û kiryarên lojîkî (mentîqî) tîne, ku dibe hegera wê yekê siyasêtvan bi awayekî lojîkî tîkelî mijaran bibin. Di demokrasiya li ser bingeha hîlbijartinê welatîyan mafê wê yekê hene ew kes yan ramanên ku bi ziyana wan in, bi dengê xwe bînin xwar û di şûn de alternatîvên bêtir hîlbijêrin.

Vekirîti û eşkerebêjî alavek ji bo berhevkirina alternatîvên siyasî ye. Di hîlbijartina Parlemanî de vekirîti hêza xwe ya rastî nîşan dide. Di argûmênta xwe da "Elster" berevajî "Rawls" û "Habermas" basa qencî û xerabiyê nake. Ewa jî kêmasiya dîtîna "Elster" li hember "Rawls" û "Habermas" digehîne.

Di demokrasiyê de li gor dîtîna "Elster" û "Bentham" rola welatîyan zêrevanî li ser kar û kiryarên siyasêtvan û biryardan e. Li gorî wê teoriyê welatî li hember kar û biryarên siyasêtvan û biryardan de di jî kiryanan ji xwe nîşan didin. "Habermas" û alîgirên wî li ser vê baweriyê ne ku divê welatî di biryarên siyasî de çelengtir bibin.

Habermas bi xwe jî wê yekê qebûl dike ku ji ber zehmetbûn û tîkelbûna sistema siyasî ya nûjen, biryardanên demokratîk divêt ji rêya nûnerên hatî helbijartî ji aliyê welatîyan bihê encam dan. Di pirtûka xwe de "Habermas" (1996) bi vî awayî dîtînen xwe tîne ziman:

"Min wênaya deşta siyasêtê wek gelîyek kûr kêşa ye ku tê de dengê mirov tê bersîvdan, tenê dema pirsgrîkên siyasî yê sistemê tenê bi rêyên siyasî de tên çareser kirin. Di wê çarçoveyê de gotûbêja vekirî û giştî wek deverêk hestiyar

Festîvala Hevpar Ya Navenda 3'ê Ya Kurdistanê û Hêzên Kureya Başûr

Roja 09.02.1385(29.04.2006)'an, li Navenda 3'ê ya Kurdistanê Festîvalek bi hinceta serkeftina

projeyeke 20 rojî a xizmetkirin û avadaniyê di bin navê: **Em bi yekîti û têkoşîna xwe dê pêşerojê geş û bextewerane misoger bikin**, ku ji aliyê hêza Kureya Başûr û bi hevkarîya Pêşmergeyên PDK Îranê li Navenda 3'ê

ya Kurdistanê di dema 20 rojan de pêk hat.

Ev festîvala bi pişikdariya piraniya Kadro û Pêşmerge û malbatên partiyê li navenda 3'yê û kempên cur bi cur yên partiyê û endam û alîgirên partiyê li bajarên Kurdistanê û Betalyona 121'ê a "Tîpa Zeytûn" û çend fermandeyên hêza Kureya Başûr û aliyên siyasî yên Kurdistanê, wekî Partiya Demokrat

a Kurdistanê, Yekîtiya Nîştîmanî a Kurdistanê, Partiya Sosyalîst a Kurdistanê û her wiha nûnerên gundên devera Beranetiye birêve çû.

Festîval bi sirûda neteweyî a **Ey Reqîb** dest pê kir û piştê peyama

di navbera Kurd û hevalên wek Hêza Zeytûn û hevalbendan, soz û emegnasiya PDK Îranê û xelkê Kurdistanê Îranê derheq vê projeya xizmetguzariyê gihande hêzên Kureya Başûr û xelkê wî welatî

Piştê peyama **Hêza Zeytûn** a Kureya Başûr ji aliyê fermandeyê ve hêzê, **Ço Hiyo Hong** ve hate xwendin. Navbirî di peyama xwe de



Birêz Mihemed Salih Qadirî sipasnameya PDK Îranê pêşkêşî Fermandeyê Hêzên Koreya Başûr kir

serbarê pêçeşandin li ser xurtkirina tîkiliyên navbera xelkê Kurdistanê û Kureya Başûr, hêviya serkeftinê ji bo gelê Kurd xwast. Piştê sipasnameya rêzgirtina Hêza Zeytûn bi nîşaneya emeg û wefadariya Kureya Başûr ji bo Kurdên Îranê pêşkêşî hêja Mihemed Salih Qadirî hate kirin. Her wiha birêz Qadirî jî çend lewhên rêzgirtinê bi nîşaneya destxweşî kirin û pêzanî ji vê projeya wan, pêşkêşî Ço Hiyo Hong û çend fermandeyên din kir.

Hêjayî gotinê ye ku li dema birêveçûna Festîvalê de, Jeneral **Cong Song Co**, berpirsîyarê giştî yê hêza Zeytûn Kureya Başûr di Kurdistanê de tevî çend fermandeyên payebilind yên Hêza Kurê ku ji bo seredana Hêza Zeytûn gihîştibûne Kurdistanê, tevî festîvalê bûn û ji aliyê birêz Mihemed Salih Qadirî ve hatne pêşwazî kirin û her wiha xelatê rêzgirtinê jî pêşkêşî wan kir.

Hewceye bihê gotin ku Festîval ji komek nimayîş û bernamêyên cur bi cur pêk hatibû û heta demjimêr 12'ê nîvro dom kir. Dawiya Festîvalê jî bi şahî û govendê di navbera pişikdaran û Hêza Zeytûn de bi coşek mezin hate xemilandin.



Hêzên Koreya Başûr û Pêşmergeyên Navenda 3'ê ya Kurdistanê Festîvaleke hevbeş li darxistin

Navenda 3'ê a Kurdistanê ji aliyê birêz Mihemed Salih Qadirî, endamê Komîteya Navendî ya PDK Îranê û Berpirsê Navenda 3'ê ya Kurdistanê ve hate xwendin. Wî di peyama xwe de tevî sipas û destxweşî û mikûmbûn li ser bihêzkirina pêwendî, dostî û alîkariya

(hessas) kar dike ku berdewam di rewşa alarm de ye."

Bi vî awayî "Habermas" erka vekirîtiya siyasî li diyarîkirina kêşe û pênasakirin û ragehandina wan bi biryarderên siyasî dibîne. "Habermas" nîşan dide ku çawa siyasî û biryarderên siyasî divê di rojê de hebûn, heta ku him welatî û him jî biryarderên siyasî bi awayekî rojane di tîkiliya bi hev re bo biryarderên kolektîv de bin. Nîqaşa civakî diviya li gor "Habermas" bibe bingeha pêkanîna lîsteya biryarderên siyasî. Di vê derbarê de erka partiyên siyasî, komele û sazîyên ne dewletî û rojane di ragehandina gehandina dengê welatîyan bigihîne biryarderên.

Di demokrasiya li ser bingeha nûnerayetiye (Parlemanî) xwesteka gel û berhevdana giştî bi awayê otonomiya derbirîna hîzr û ramanên welatîyan û herwisa biryarderên siyasî yên kolektîv tî cî bi cî kirin. Di demokrasiya modern da ji ber çend rehendiya civakê û bo nimûne pirnetewîbûna welatekê weke Îranê bihîstina dengê hemû welatîyan di rêya demokrasiya li ser bingeha take nûnerayetiye nahê guhdarî kirin. Lewma ji bo dadperweriya civakî û demokrasî jî be, diviya rêyên din ji bo biçûkkirina deverên demokratîk li welatên mezin bê berçav girtin. Di vê derbarê de parvekirina desthilatê bi awayekî federatîv dikaribe hin pirsgrêkên piratîkî yên demokrasiyê çareser bikin.

Sazîyên ku alîkariya diyaloga giştî dîkin


Gelo çawa demokrasiya dîlîberatîv wê cî bi cî bibe? Ji ber ku demokrasî dixwaze ku biryarder û ekterên siyasî sozdar û girêdayî bin bi bingehe demokratîk, demokrasî tenê nikaribe li rêya saziyeke weke perlemanê bê cî bi cî kirin. Li civakê de hewce bi sazî û nawendên din ji hene ji bo ber bi pêş birina hêza berhevdana giştî.

Ser wê mijarê di hejmara din de.

Komîsyona Mafê Mirovan Dengê Baweriyê Neda Îranê

Bervar 09.05.2006'an Komîsyona Mafê Mirovan ya Rêxistina Neteweyên Yekbûyî, bi sedema bînpêkirina berdewam a mafên mirovan û piştevanî ji terorîzmê, rê neda Komara Îslamî ya Îranê ku here nava Komîsyona han de. Eva bo yekemîn car e ku civakanavneteweyî bi awayekî yekdeng li hember guh neda û serberedayibûna Komara Îslamî derheq mafên mirovan de, radiweste.

Kongireya Neteweyên Îrana Federal tevî piştevanî kirin ji vê biryara Rêxistina Neteweyan



li hember rejîma Îranê, ji civaka navneteweyî daxwazê dike ku ji bo dîrxistina rejîma Îranê ji desthilatê rêçareyeke bibandor a din hilbijêrin.

Kongireya Neteweyên Îrana Federal
20.02.1385
10.05.2006

Di 120'emîn Salvegera Roja Cîhanî Ya Kedkaran De

Karker Bi Dijwarî Dijîn

Azad Kurdî

Roja 1'ê May (Gulan)ê wekî Roja Cîhanî ya Karkeran di gelek welatên cîhanê de tê pîroz kirin. Çima û kengê ev roje wek boneyeke cîhanî hate diyarî kirin?

120 salan berî niha û di roja yekem ya meha Maya 1886'an ya Zayînî, Polîsê bajarê Şikago li Amerîkayê êrîş kire ser meşa berfireh ya karkeran û ew di xwînê de gevizandin. Xwenîşandana Karkerên Karxaneya Ristinê ya Şikagoyê ji bo zêdekirina mîaş û destheqê karkeran, 8 seet kar di rojê de, mafê pêkanîna senedîka û yekîtiyên kedkarî û pêkanîna qanûna wekheviya kar hatibû lidarxistin. Çend rojan piştî vê bûyerê, dadgehê çend kes ji serokên karkeran mehkeme û ew bi mirinê mehkûm kirin.


Sê salan li pey qewimîna vê bûyerê, di sala 1889'an de, Kongireya Navneteweyî ya Karkeran li Parîsê -hin çavkanî jî dibêjin ku kongireya han li welatê Îtaliyayê bûye -, bi pêşniyara nûnerê kedkarên Amerîkayê, roja yekem ya meha Mayê wek Roja Cîhanî ya Karkeran diyarî kir. Piştî wê yekê li gelek welatên dinyayê, kedkar bi lidarxistina girevgirtinan û xwenîşandanên berfireh vê roja cîhanî pîroz dikin û rêzê ji biranîna wan karkeran digirin ku di wê roja dîrokî de di xwînê de sor bûn û jiyan xwe goriyê maf û azadiyên xwe kirin.

Bi milyonan bêkar di cîhanê de hene

Hêza bingeşîn û mezin ya tev welatên cîhanê, çîn û texa Karker pêk tîne. Ev qata bibandor û zehmetkêş ya civakê ji **mêr, jin û zarokan** pêk tê. Di halekê de ku 120 sal bi ser diyarîkirina vê roja cîhanî de derbas dibe, xizanî û jarî û hemû warên wê yên nexweş yê bûne pîrgirêk û arîşeyên mezin di asta navneteweyî de û bi giştî rastî gişt mirovahiyê bûye. Li piraniya welatên cîhanê zor û zehmetî li ser Karkeran her dimeşin. Di hemû warên kar û xebatan de kedkar bi asteng, kêmasî, zordarî û neheqî û hwd berbirû ne.

Li gorî rapora berfireh ya Rêxistina Navneteweyî ya Kar ku çend rojan berî niha weşand, xizanî, destkurtî, betalî û bêkarî di welatên di halê pêşdeçûnê de ber bi zêdebûnê diçe û ew qase hejmareke cihê tirsê ye û di wan welatan de karker bi jiyaneke dijwar û xeter re rûbirûne. Weke diyar e Rapora Rêxistina Navneteweyî a Kar bi awayekî reş û bêhêvî dinêre rewşa kedkarên cîhanî û xebatên welatên cîhanê di vê derbarê de dide ber gazinde û rexneyan. Rapora saziya han dide xuya kirin ku yek milyar û çar sed milyon karker bi dahateke kêmtir ji 2 Dolaran

di rojê de û pênc sed û pêncî milyon karker heta dahateke kêmtir ji 1 Dolar di rojê de mîaş û heqdest hene. (1) Li gorî serhejmariya vê raporê, divê em bibêjin ku yek ji çarê ya nifûsa 6 milyar kesî ya cîhanê, di rojê de dahateke kêmtir ji Dolarekê hene. Di vê navberê de jî rapora han eşkere dike ku pêtirî 40 ji sedê ya xelkê li parzemînen Asya û Afrîqayê di bin hêla birçibûnê de dijîn. (2) Tê gotin ku hejmara kesên ku tevî wan mirovan ku li



Gelek kedkar naçar in di madenên bin erd de bi dijwarî bixebitin

jêr hêla birçibûnê de dijîn, roj bo rojê zêde dibin. Pêvajoya kar wisan lê kiriye ku bi milyonan bêkar di cîhanê de hebin û ew hejmare her ku diçe, zêdetir dibe.

Zarok, Karkerên Biçûk

Nabe serbarê baskirin û lînîhêrîna jiyanê kedkaran û pîrgirêk û astengên ku kedkarên mêr û jin bi wan re berengar in, em jiyanê dijwar ya **Karkerên Biçûk (Zarok)** berçav negirin û ne nîrxînin. Ji wan zarokên kêmtir temen re **Zarokên Kar** tê gotin. Zarokên Karker ne di rewşeke wekî texa Kedkar de ne ku bikarin hemû dijwarî, zehmetî û xeter û wd yên kar tab bikin. Serhejmariyên navneteweyî dibêjin ku pêtirî du sed milyon zarok li seranserî cîhanê hene ku pêtirî vê nifûsê keçên bin 16 saliyê pêk tînin. Bi armanca kêmkirin û ji holê rakirina karê zarokan, rêxistînek navneteweyî bi navê "IPEC"ê hate avakirin. Mixabin di vê derheqê de û bo xebat dijî vê berçaviya jiyanê mirovahiyê gaveke micid û bilez ji aliyê welatên endamên vê rêxistinê hetanî niha nehatiye avêtin. Li cihê ku divê zarok li temenê biçûkiya xwe de li hal, hewa, rewşa zarokbûnê, lîstin û xwendin û perwerdehî û wd... bibin, neçar in bi seetan dema xwe di karên dijwar û giran de derbas bikin û bihên perçiqandin û çewisandin.

Jiyana karkeran li Kurdistanê

tirajîdya ye

Li welatê Îranê tevî derbasbûna demê, serhejmariya bêkarî, betalî, jarî û xizaniyê jiyanê gelên Îranê dijwar û bêtab kiriye û mirov ecêbgirtî dimîne, vê dewletê di 27 salan ji desthiladariya xwe de çî xizmetek kiriye. Tex û qata Karker goriyê bingeşîn yê vê rewşê ne. Di mîdehê nêzik bi sê dehsalan ji desthilatdariya reş û paşverû ya Komara Îslamî a Îranê, mirov nikare serhejmariyekê peyda bike ku bide xuyandin, dewletê rewşa jiyanê karkeran çêtir kiribe! Em nikarin van serhejmariyan û encama cihê kul û keserê ya jiyanê kedkarên neteweyên pêkhateya Îranê di çarçoveya vê

nivîsarê de bi hûrî binirxînin û cî bikin. Lê gelek zehmet e ku mirov di temenê desthilatdariya komara Îslamî de niqte û xaleke erênî û balkêş ji bo jiyanê karkeran û qatên din yên civakê bibîne.

Her wek em dizanin û gelek caran jî me qala vê kiriye, li welatê Îranê bi sedema Kurdbûn û azadîxwazbûn û hwd... ya Kurdistanê herêmek bi tevahî paremayî û bêpar hatiye hiştin. Eva rastiyeke e ku rayedarên hikûmeta

Îslamî ya Îranê jî nikarin înkara vê çendê bikin. Dewleta Îranê jiyanê neteweyî Kurd di hemû warên siyasî, aborî, çandî û civakî de rastî her cure bêparî û bêheqiyekê kiriye. Kurd li Îranê ji hemû maf û heqeke jiyanê rihet û mirovane hatine bêpar kirin. Li rastî da ji ber vê rewşê em dikarin bibêjin ku çîn û texa Karker piraniya nifûsa civatên xelkê Kurdistanê Îranê pêk tîne. Di vê navberê de û di vê rewşa giran û dijwar de ku gelê Kurd li Kurdistanê Îranê tê de dijî, karkerên kurd du hemberî hemû texên din yên civaka Kurdistanê bêpar û bêheq in. Li Kurdistanê delîve û derfetên kar gelek kêmtir in. Piraniya Karkeran neçar in ku ji bo kar biçine bajarên din yên Îranê. Di van yek du salên dawiyê de gelek karkerên Kurd li Kurdistanê Îranê ber bi Kurdistanê azad ya Îraqê tînin û rastî gelek pîrgirêkan tînin ...

Bi giştî Karker di pêvajoya kar de li hemû welatên cîhanê û li Kurdistanê jî rastî gelek pîrgirêk û astengên hiqûqî, qanûnî û zor û zehmetiyan in. Bi vê hiviye ku kedkar bi edalet û wekheviya civakê bigihîjin tev mafên xwe yên xwezayî û mirovî û rewşa dijwar û giran ya li ser hemû warên takekesên zehmetkêş û mandînenas bi dawî bihê...

Çavkanî:

(1) "Iran çabaz", Sebrî Behmenî, 8'ê Maya 2006

(2) Jêdera berê

Hebûna belavokan û xurtî û berfirehiya weşanên cur be cur û bi giştî cihê hêja û jêhatî yê çepemeniyan di elimandin

û hêldayîna bi hîzr û ramanan û afirandina etmosfereke baş ji bo gotûbêj û têkiliyên paqij û erênî û her wiha pûte û bihagiraniya ku weşanên giştî di pêşvebirina astê zaniyarî û çanda giştî de hene, bê guman yek ji sedemên pêşketina çandê û nîşaneya liv û bizava di her civakekê de ye.

Eyan e pêşketina çandî bi wateya berfireh a xwe ku nîşana xurt û pêrtirbûna gotûbêjên felsefî, çandî, wêjeyî û hunerî ye, netenê sebeba bingeşîn ya geşekirina zanist û xwe agahiya giştî, ji ber ku derfeta geşekirina siyasî û aborî jî pêk tîne û di rastî de yekemîn merca çareserîya bingeşîn a pîrs û arîşeyên giştî yên civakê ye.

Dezgehên ragihandin û çapemeniyê yên giştî bi taybet Radyo, Televîzyon û belavok bi nîfûz û kartêkirina bilez a xwe di civakê de erk û rolek bingeşîn û pîr alî hene û guman jî tîde nine ku ev alavên ragihandinê bi vî berfirehî û bandora xwe dikarin rolek giring di afirandina çanda giştî û ji nav birin yan lewaz û kêmkirina pîrsgerî û arîşeyên civakî û siyasî de hebin.

Helbet hemû evane demekê de misoger bin ku dewlet û desthilatdar bi çaveke neyar û dijberane ya bihêz yan wekî tirîbûneke propagandeyî dijî rejîma desthilatdar mîzeyî çapemenî û alavên ragihandinê nekin û nexine ber darê tepeserkerin û tîxa sansorê.

Her wekî tê zanîn di konferansa giştî a Yûneskoyê ku li Desambêra 1993'an de birêve çû, cext û tekez li ser azadiya çapemeniyê hate kirin. Lewma Civata Giştî a Rêxistina Neteweyên Yekbûyî bi pêşniyara Yûneskoyê 3'ê May a hemû salekê bi Roja Cîhanî a Çapemeniyê li nav kir û da nasandin. Eva jî di halekê de ye ku niha jî di zaf welatên cîhanê de azadiya weşan û çapemeniyê nine yan ger jî hebe zor kêûm û nexuya ye, û niha jî nûçegihan û rojnameyan di seranserê cîhanê de dibine goriyên teror û pevçûnan.

Eve di rewşekê de ye ku Îran jî yek ji pêşesker û binpêkerê herî mezin derbarê mafê mirovan di cîhanê de ye. Azadiya bîr û raman û çapemeniyê bi tu terzekê tê de nahê xuya kirin. Bi hatine ser kar a Mehmûd Ehmedînejad zext û givaşên li ser çapemeniyê xurtir û pêrtir bûne û çapemenî bi sedema sinûrên diyarîkirî û arîşeyên ku li hemberî wan de hene, pêrtir ji berê ketine ber tîxa sansorê. Her wiha girtin û binçav kirina rojnameyan û qedexekirina rojnameyan her didome. Zaf ji Jorlistên destbiser kirî di Îranê de bi danana garantiya

Bandora Çapemeniyê Di Civakê De û Rewşa Wê Li Îranê

Meryem Hacîpûr



Wêne ji Eyûb Şehabî Rad

malî (Wesîqe) û danîna malbatên xwe di zext û givaşên malî de azadiya demî a xwe bi dest tînin û car jî heye ku neçar in hemû heyîn û samana xwe bifirosîn. Bi giştî ev garantiye jî li cihê xwe de alavê e ji bo neçarkirina wan bo xwe sansoriyê.

Komara Îslamî ya Îranê bi salan e ku bi hêceta gef û êrîşên biyaniyan û kompoyên Rojava berengarê rojnamevan û xwedî qelem û pênûs bidestan dibe û roj li pey rojê bazne û girovera sansor û zextê tengtir dike û her wiha tîrêjên rastî û heqîqetan li ser raya giştî a civakê girê dide.

Divê em bizanin ku tecawiza berfireh û berdewam bi azadiya çapemenî di Îranê de kareke serbixwe nine ku ji aliyê hin kesên pêşeskerê yasayê ve tê kirin, belkî bi tekez û erê kirina karbidestên herî payebilind yê rejîmê tê darêtin û dimeşe. Dosyeya kuştina Zehra Kazimî, nûçegihan û wênegira Îranî ya rûniştîyê Kanadayê eyankerê vî rastiyê ye û her wiha rejîma Komara Îslamî ya Îranê bi balnedan û xemsaî li hemberî xwest û daxwazên kom û komeleyên mafê mirovan û navneteweyî hemû hêz û

şiyana xwe di pêxema neşopandina vî dosyayê bi kar dibe, çimkî şopandin û eşkere bûna rastîyan şermezarî û mehkûmbûna rejîmê dê li pey re hebe. Ji aliyekî din mîj sal e ku di Îranê de belavokên bi zimanê Kurdî û Azerî bi guneh û tawana belavkirina ne rastîyan û bi merema tîkdan û alozkirina raya giştî û her wiha anîne hola pîrsên neteweyî û nejadî û bi merema parvekirin û cudaxawaziyê tîk daxistin, rojnamevan tîk binçavkirin, girtin û bi giştî rewşeke tal, nexweş û tepeserkerane bal bi ser çapemeniya Îranê de kişandiye.

Ji aliyekî din jî xurtbûna rojnamevaniya elektronî di civakan de ku hevdem tevî destpêka xebata cîhanî ya tora înternetê di sala 1992'an de bû û civaka Îranê jî xiste bin bandora xwe, lê ew tennoloji jî li sansorê bê par nema. Rejîma

Komara Îslamî ya Îranê filter xistiye ser piraniya malperên siyasî û wêblagên cur bi cur û bi hêceta dijberî tevî Îslam û rejîma Îslamî, îmkana dest pêre gihîştina ciwanan di civakê bi çavkaniyên nûçeyan ji nav biriye. Zêdebarê vî yekê jî pîr caran em şahîdê binçav kirina wan ciwanan bûne ku di Îranê de mijûlê wêblag nivîsînê bûne.

Tevî wê ku madeya 24'an a yasaya bingeşîn a rejîmê ew belavok û çapemeniyên ku bi dijî Îslam û mafên giştî nebin, serbest hiştiye, lê dîsan xwedî û nivîskarên pirtûkan ji bo standina îzna çapê divê pîr caran seredana Wezaretê Çanda Îslamî bikin û kêûm caran dikarin vî iznê bistînin.

Bi giştî rewşa çapemenî û rojnamevaniyê di Îranê de roj bi roj ber bi nebaşiyê diçe û di rastî de Îran yê bûye mezintirîn girtîgeha rojnamevanan di Rojhilata Navîn de.

Jêder:

“Voanews” û “BBCpersian”

Têgihîştina Şaş Ya Rayedarên Komara Îslamî Li Mafên Jinan

Hemîd Muxtarî
hemid83@yahoo.com

Heke em bixwezin bibin mirovek nûjen, rêyeke me heye, ew jî têkelbûn û çûn bo nava civakeke vekirî ye. Îro

rojê demokrasî cem hemûyan hatiye qebûl kirin û nişkêve hemûyan nasyarî tevî demokrasîyê peyda kiriye. Bi awayekê ku pêvajoya demokrasîxwaziyê ne tenê li Rojava, belkî li tevahiya cîhana di halê pêşdeçûn û berfirehbûnê de ye û ne tenê di qada siyasî de, belkî hemû warên jiyânê bi xwe ve girêdaye.

Xelkê Îranê jî ku xwediyê dîrokeke dirêj ji şaristaniyet û şanaziyan in, mixabin îro rojê ji ber hebûna desthilatdariya rejîma Komara Îslamî ya Îranê, ji azadî, demokrasî gelek cureyên din yê jiyana demokratîk bêpar in. Bingeha vê rejîmê ku li ser xîmê ol û meseb hatiye avakirin, yanî Îdeolojiyê neguher ku dijberê xwezaya mirov e, ji pêşveçûna civaka Îranê ber bi nûjenbûn û demokrasîyê pêşgiriye dike. Îdeolojiyê ferq û cudahiyan di navbera hemû mirovan de pêk tîne, nemaze jinan ji hemû mafên mirovî û sivil yê xwe bêpar dike û heta awayê berkirinê jî ji wan re diyarî dike ku di bingeh de tevî yasayên navnetewî û mafê mirovan û civaka sivil bi tevahî dijberî heye. Çimku taybetmendiyên civaka sivil û vekirî naskirina biyava taybetî û hurmetgirtin li serxwebûna wê, bi taybetî di dunyaya cîhanîbûnê ya îroyîn de ku bi xwe re zanîn û zanyarî yê berfireh ên takekê û ramanên vekirî ên civakî tîne.

Biyava taybetî yanî eva ku welatî ji bend û zêrevaniya dewletê yan kesên din yê civakê azad bin û mafê azadiya raderbirîna raman, baweriyên, azadiya selfqeyan û azadiya liberikirinê hebin. Lê mixabin hemû nîzamên civakî yê îstismar xwaz di cîhanê de, bo minak Îran, welatên Îslamî û Erebi li ser bingehê hevpar sekinîne û ew parastina rola pile duyem bûna jinan di civakê de û bêpar kirina jinan ji mafên xwe yê bingehîn yanî mafê pişikdarî kirin di desthilata siyasî de ye. Divêt bihê zêde kirin tevî bi desthilat gihîştina Ehmedînejad Serok Komarê Îranê, rewşa hiqûqî ya jinan ji caran pitir dijwar û xirab bûye.

Bo minak piştî hatina Ehmedînejad dîsan jin xurttir ji berê rastî êrîş û perçiqandinan hatine. Midehekê berî niha Ehmedînejad biryar da ku pêşî ji çûna jinan di nava rêgehan û ciyên dewletî û navendên geran û seyrane û hwd ... bê li xwe kirin(hicab)a Îslamî bihê girtin û lêpîrsîn tevî wan were kirin. Hêceta rejîma Îranê ji bo perçiqandin û tepeserikirina jinan parastina saxlemî û paqîjiyê di civakê de ye, yanî cendekê jinê sebebê ji rê der çûna mêran û pêkanîna fîsadê di

mercên bingehîn yê misoger kirina mafê wekheviya jinan e, dawî anîn bi cinayetên cur bi cur bi dijî jinan, ji navbirina wan hemû astengan ku pêşgiriye ji pişikdarîkirina jinan di hemû waran de dike, bidestveanîna serxwebûna aborî û rewşa karî ya wekhev tevî mêran, bidestveanîna azadiyên siyasî, azadiya raderbirîne, rizgarbûn ji ferq û cudahiyan zayendî, mafê pêkanîna saziyan, mafê pêkanîna meşê û eyankirina nerazîbûna xwe, ji holê rakirina



Wêne ji "Fars News"

Li Îranê jin bi sedema lixwekirina ne Îslamî ji aliyê hêzên rejîmê rastî êrîş û lêpîrsînê tên

civakê de dizanin! Ehmedînejad ji aliyekê bidestveanîna çekên Etomî yan teknolojiya wê bi mafê bê merc û şert yê xelkê Îranê dizane, ji aliyekê din jî azadiyan bi taybet azadiya raderbirîn û ramanê, azadiya hîlbijartina terzê liberikirina kincan, azadiya jinan û wd ... dijberê qazanc û yasayên vê rejîmê dizane û bi her terzekê ku bikare bi wan re dilive. Divêt bihê zêde kirin ku midehekê berî niha Ehmedînejad pêşniyar kir ku jinan jî izna pişikdarî kirin di nava yarîgeha werzişî û bi taybetî yarîgehên futbûlê(Topê pê) ji bo dîtina zindî ya leyîzan hebin, ku ew jî ji aliyê Parlemanê Îslamî ya Îranê ve hat red kirin!. Bi bawerîya Ehmedînejad jinên Îranê hemû mafên xwe yê dinê bi destve anîne û tenê eva mabûn ku izna beşdarîkirin di nav yarîgehan de jî bi destve binin?!

Lê divêt em bibêjin ku xwastek û daxwazên jinan di Îranê de gelek mezintir û girîngtir ji vê bingehê ne ku Ehmedînejad zehmetê ji bo dikişîne û lê dirêne. Xwastekên jinan di Îranê de di gava yekemîn de cudahiya ol ji dewletê, damezirandina hikûmetê Sekolar ku bi heq yek ji

biryara îdamê û cezayên tund û hovane yê weke kevirbaranê, birîna endamên laş, şelaqê û wd ... Eva bi kurtî tê wateya guherîna Qanûna Bingehîn ya rejîmê, ku helbet tevî hilweşandina rejîmê hamber e, lewma rejîmê jî di doma van 27 salên çûyî de li hemberî xwestekên wiha ku zexteke zaf jî

ketiye ser, berengarî kirine û dike. Lê divêt em bibêjin ku îro rojê mijarên weke, eqlanî, kevneşopî, ronakbîrî û civaka sivil û nûjen ketiye di nava bîr û hizra nîfşa ciwan û pirsîyarker ya me û jinên Îranê serbarê hebûna pîrsgirêkên taybetî yê xwe, derfet ji kevneşopê re teng kirine û ber bi modernîteyê gavan hildigirin.

Evro zêde bûna astê têgihîştina jinan û haydar bûna jinan li ser mafên xwe di civakê de. Jorde çûna astê xwendina akademîk û pisporane ya

Jinên Îranê serbarê hebûna pîrsgirêkên taybetî yê xwe, derfet ji kevneşopê re teng kirine û ber bi modernîteyê gavan hildigirin

jinan hêvî û mizginiyê liv û libata jinên Îranê ber bi pêşerojêke eqlanî ya geştir e. Rola jinan li Îranê di bizava demokratîk ku îro nahê înkâr kirin û bizava jinan di Îranê de yek ji bingehên fermî yê Demokrasi xwaziyê di Îranê de ye.

Teqîna Mayînê Li Bane Bû Sedema Mirina Keçekê

Roja Sêşem, 19'ê Banemera 1385(09.05.2006)'an, kedkareke xelkê gundê Satabada Bane bi navê **Kerîm Xerîbî** di dema kirîna giyayên dermanî li Çiyayên



Bastan li derdora bajarê Bane kete ser mayînê û jiyana xwe ji dest da.

Hêjayî gotinê ye ku Kerîm 45 salî û xwediyê 4 zarokên kêmtir bûye.

Mehkûmbûna Ciwanekî Kurd Bi 3 Salan Zîndanê Û 80 Derbe Şelaq



Ciwanekî Kurd bi vavê Husên Mihemedî naskirî bi Şorîş bi guneha pişikdarî di xwenîşandanên gelfî li bajarê Seqîzê li havîna par û pêwendî tevî partiyên siyasî bi 3 salan heps û 80 derbe şelaq hate mehkûm kirin.

Kuştina Jineke Ciwan Bi Destê Hevjînê Wê

Li gor nûçeya Rêxistina Mafê Mirovan li Kurdistanê, jineke 17 salî bi navê **Pervîn Rehîmî** bi destê hevjînê xwe **Omer, K** hate kuştin. Omer ku bi xwe jî 22 salî ye ji bo kifşnebûna vê cinayetê, meytê hevjîna xwe di nava bîra avê de veşartibû.

Hêjayî gotinê ye ku Pervîn di dema mirinê de Pêgiran û zarokeke 6 mehî di zikê xwe de hebûye.

Xweşewitandina Jinekê Li Mehabadê

Li gor rapora Rêxistina Mafê Mirovan li Kurdistanê(RMMK), di roja çarşem, 20'ê Banemera 1385(10.05.2006)'an, li bajara Mehabadê jineke temen 40 salî bi navê **Amîne. S** agir berda laşê xwe û bi tundî tûşî sotinê bû û heya niha li nexweşxaneyê de di rewşeke pir xirab ye.



Komkirina Dezgehên Setelaytan Li Kurdistanê

Li gorî nûçeyekê ku gihîştîye me, Komara Îslamî ya Îranê di doma kiryarên xwe yên bêşerm û paşverû de, di gelaleyekê de, biryara komkirina dezgehên Setelaytan bi hêzên paşverû yên xwe dayiye. Di vê gelaleyê de hatiye ku divêt di heyamê 3 mehan de, hemû dezgehên Setelaytan li seranserê Îranê de bihêne kom kirin û heke kesek jî vê biryarê bişkîne, li gorî qanûnê divêt 6 Milyon Tûmen(derdora 7000 Dolaran) bihê cirîme kirin.

Tevî vê yekê ku ev biryare ji bo seranserî Îranê hatiye dayîn, lê rejîm wekî herdem ji bo cî bi cî kirina biryarên dijî şaristanî û kevneperestane yên xwe ji Kurdistanê dest bi kar kiriye û di gava yekem de di rojên 09.02.1385(29.04.2006) li Sinê û 10.02.1385(30.04.2006)'an li Merîwanê û di rojên borî de jî li bajarên Pîranşar, Urmiye û Nexedê û gundên derdorên wan bajarane, nişkêve û bê izin diçine nava mal û dikanên xelkê û bê hejmar û bi qasekî zaf dezgehên Setelaytan û alevên din yên



nav malên wan talan kirine. Ev kirinên hêzên rejîmê yê bûne sedema tevlihevî û aloziya warê derûnî ya xelkê û xisar û zirareke zaf ya aborî li hinek ji malbatan ketiye.

Li Serdeştê Dîsan Jî Teqîna Mayînê û Kuştin



Roja Înê 22.02.1385(12.05.2006)'an, welatîyek bi navê Mihemed Berzger, Kurê Hacî Xidir xelkê gundê Kunemişk a ser bi herêma Serdeştê bi sedema teqîna mayînek bi cih mayî ji binkeyên berê yên rejîmê li zozanên Weznê jiyana xwe ji dest da. Sed mixabîn di salê de bi sedan kes ji welatîyên Kurd li Kurdistanê Îranê jî ber teqîna mayînan tên kuştin û birîndarkirin

Wêje û Siyaset

Resûl Sultanî

Mirovê/a civaka çewisandî û siyasêtgirtî nikare weke takek serbixwe bifikire. Ji ber ku di wan terze civakane de hiş û eqil ne

tenê bi awayekî serbixwe û takekes, belkû ji çarçoveya hizrek giştî ve mêzeyî rastiye jîyanê dikan. Hizra giştî jî ji hêzeke serdest ve biryarê werdigire. Yanî şûr û dîtingeha civakek wiha, hertim ber bi armançeke nediyar ve gavan davêje. Armançek ku civakê di hîlbijartina wê de tu rol û desthilatek nebûye, belkû ewa hêzên biyanî û hewcehiyên ne pêwîst in ku bi awayekî ne rasterast civakê neçar dikan ku ber bi wê rêçikê ve gavan bavêjin. Di vê cîhana giştî de tu tiştek bi navê takekes û serxwebûna hizrî tune ye. Tiştên bihagiran di vê cîhanê de cur bi cur û reng reng ninin. Wisan nine ku her kes yan civakek hin tişt li cem girîng bin û weke buha û nirx mêze bike. Belkû tiştên bihagiran du arasteyên xuya û berçav hene, yan bihayên giştî yên civakê ne yan jî ser bi aliye desthilatdar in ku dij bi bihagiraniyê ne. Wate dîtingeh û tîfikirîna mirovan li pey rengên cur bi cur nagerin, belkû du rengan dibînin yan reş yan jî sipî.

Mirovê/a di navbera van du aliyan de em bixwazin yan nexwazin xwe bi aliyeke ve girê dide. Lê hunerek ku di vê cih û demê de tê holê, tu bêtî yan nebêtî dikeve çarçoveya taybetî û rastiye hundir û derveyî yên wan cih û demane. Lewma qonaxa çandî di cih û serdemê han de, qonaxeke berteng e û berî wê çendê ku aliye wê yên çandî bihê xuya kirin û bas ji mana û taybetmendiyên wê yên çandî biket, bi ser du eniyên reş û sipî de tê parve kirin. Çand di vê demê de çandek nine ku bas ji kesekê yan minê/a tak biket. Ji ber ku hebûna min yê/a takekes tune ye. Takekes bi tevahî toxmekî helandî yê/a civakê ye ku tede hatiye winda kirin û hemû berjewendî û xweşî û nexweşiyên xwe bi civakê ve girê daye, lewma huner di haletê hundir yê takekes ve bo dîtingehê giştî û nirxandinekî giştî a rastiyan tê veguhastin, bi terzekê ku bas ji civakê û xwastikên civakê biket. Di wir de bas ji **me û wan** tê kirin. Heke bas ji **min û te** hate kirin, ew, ez û tu jî hemen pêkhatiya civakê bi xwe ve digire. Ez û tu her hemen em in ku di qonaxên sernekeftî de nifretê ji hemberên xwe dikan û di serdemên afirandinan de jî bi bejna xwe ve hildidin. Ku wisan bû nûxwazî û xwandina giştî a rastiye jiyana serdem dibe parek ji naskirin û lîstikvanekî hizrî yên me ku ew jî berhema mikanîzma siyasî a zal bi ser

civakê de ye.

Biha û nirxên bi qedir li gor daxwazên civakê tene şirove kirin, heta takên wan civakane tu pênaseyeke hundir a xwe jêre nahê kirin. Buha û nirxên mirovî xwe di hin fakterên giştî de dibînin ku ew fakterane bi terzekê hevrikî kirine tevî "tabo" û yasayên zelale siyasî yên serdem de. Di vir de yên ku bi dijî pêkînerên wê zirûfê sekinî bin ewa ji aliye civakê ve bi pîroz û xwe xweyî û rege bi şoreşvan bihête naskirin û berevajî jî... di vir de ye ku felsefe û çand û civaknasî û naskirin dibin bi parek ji nirxandinên siyasîyane yên rastiye serdem. Siyaset astê naskirin, felsefe û dîtingehan didin xuya kirin. Heta her yek ji wan manane jî weke çand û felsefe û... ku tu hebûnekî siyasî pêve tune ye û xwediyê tu helwestekê nebin, ji aliye civakê ve nahêne pajirandin û tu nirx û pûteyek bi wan nahête dan. Di vir de ye ku çand û huner tevî siyasê û îdeolojiyên civakê dibe û astê çandî yê berheman roj bo rojê qels û jar dibin û wêje dibe wêjeya kolan û siloganên siyasî.

Êdî bîr û hizrên mirovan li cihê berhemanîna mana û wateyên nû û afirandinan, di çarçoveyeke berteng û dij bi siyasê û desthilatê de bi cih dimînin û siyasê serweyî hemû raman û axavtinekê ve hakimiyetê dike û çawanîya berengar bûn û hewildan bo manayê dibe pareke herî girîng ji aliye çandî bi taybetî helbestê.

Hêza zal wate desthilat ji aliyeke ve cehda ve çendê dide ku civak û naskirina serdem ber bi yek rengî û hevdengiyê ve bibe û rê ji pêgehandina bîr û ramanên nû û cuda bigire. Yekdengî û çêkirina rewş û zirûfeke han bi merema hêlana dengê ye ku bo dabînkirina merem û xwastên desthilatê pêk tê. Dengê ku her tim pesna desthilat û zirûfa desthilatê dike û bi awayekî jêhatî pênaseya wê dike. Çand jî ji aliyeke din ve cehda yekdeng kirina civakê dibe. Lê ev yekdengiya ku çand dixwaze biafirîne bi ji nav birina dengên din nahesile, belku bi hewildan bi pênaseyeke hevpar li berjewendiyên civak û tak de dixwaze hevdengiyekê bo man û berengariyê pêk bîne. Di encama wê kiryarê de ku di rastî de kiryarêke bi dijî desthilatê, dengê giştî dibe dengê taybet û bo daxwaz û berjewendiyêke hevpar wate bi cih hatina **azadî** weke bibêtî ji goreyekê yan ji Mejiyekê ve çavkanî girtibe, diherike. Di wir de ye ku civak bi çavê rêz û hurmetê ve mêzeyî wê çendê dike ku li berjewendiyên îdeolojî û armançên wê de ye. Berhemen hunerî jî dikevî bin zext û tevijma rihekî destanrêş û dîtin û pênasekirineke destanrêşî û kakila çandî



Mirovê/a civaka çewisandî û siyasêtgirtî nikare weke takek serbixwe bifikire

ber bi qelsî û jarbûnê ve diçe û zimanên çandî ber bi sadeyî û tak alîtiyê ve diçin. Form û şewazên hunerî jî li cihê xwe nûkirinê, di çarçoveyekî diyarîkirî de tevdi gere û warê wateya çandî geş û jêhatî dibe. Ji ber ku hunermend li cihê girîngîdan bi şewaz û zimanê çandî, gotarên siyasî dixê çarçoveya hunera xwe û heya wî cihê ku tak manayî û yek wateyî dibe taybetmendiyên sereke yên helbest û hunerên din û wêne û peyaxwaz, hertim ducarkî dibin. Bi vî awayî wêjeya edebiyatê ber bi jarbûnê ve diçe û xwe di dirûşmên siyasî û bê qîmet yên pejirandî de dibînin.

Îdeolojiya siyasî dibe kakila sereke a berheman. Her wek di destpêkê de hate bas kirin, huner dikeve navbera du eniyên cuda de: Yan eniya **reş û desthilatdar** yan jî **sipî û bindest**. Helbet ev dîtingeha jî rast dikare ji aliye ewên din ve bihê berevajî kirin û xwandinekî din jêre bihê kirin.

Bi giştî tişt ku bi ser du beşên xêr û şer yan dost û dijmin de hatne parvekirin, êdî pênase jî bi giştî tene guhartin û mirov jî bi ser şoreşgêr û qehreman yan dagirker û îxanetkar de tene parvekirin. Zimanê çandî jî li cihê geandina erk û armanca çandî a xwe dibe zimanê civakê û alavên dadwerî û hukim danê. Rewş û zirûfa helbetê jî dibe zirûfa ji hev cudakirina aliyeke û neheq û şermezarkirina aliyeke û berheqî dan bi aliyeke din. Ku wisan bû çarçoveya çandî ji her terze kakileke çandî tê vala kirin û exlaq û nirxandinên exlaqî ji rastiye serdem cihê xwe teji dike û ziman ji vê wezîfe û armanca germ û gurbûna xwe dûr dikeve û dibe xwediyê parek ji taybetmendiyên ziman û mijarên

RONAKBÎR

ADAR JIYAN

adarjiyan@mynet.com

Î ro ro, gelek kes li gorî hişmendiya civaka xwe, an jî li gorî qalib û pîvanekên bîrdoza fermî ya dewleta


xwe, wekî ronakbîr têne hesibandin û binavkirin. Belê ev ravekirin û navandin ne li gorî rêbaz û azîneyên zansitî, li gorî qanûn û pergalên siyasî têne kirin.

A rast, divê kesê/a ku li gorî form, norm û formulasyonên zanistî tevdigere û tenê ji zanîn û zanyariyê sûd werdigire wekî ronakbîr bête pejirandin. Belê ev rave û navandina ku ji hêla ronakbîrên hemdem hatiye kategorîzekirin jî gelek caran dibe mijara nîqaş û gengeşiyên rojane. Ango, her civat, kom û komîçkên polîtîk, têgiha ronakbîriyê li gorî bîrdoz û feraseta xwe rave û şirove dike. Jixwe têgih jî, ji peyva "ro /roj/ ronak" hatiye dariştin û li peyva "ronakbîr" ku tê wateya kesê/a ku bi roniyê têkildar dibe, hesiliye.

Watedayîn, navandin, ravekirin û şirovekirina peyvê çi dibe bila bibe, ya girîng peyvir û vatîniya wê ye. Ango her kes dikare xwe an mirovekî/e din wekî ronakbîr bide nasandina û binavkirin. Ev, ne tiştekî ewqas zehmet e. Û zêde ne girîng e jî. Ji lewre tu mirov bi gotin û vegotinê an jî bi mezinandin û pesinandinê nabe ronakbîr. Ronakbîrî, bi tevger û helwestên zansitî û bi kar û karvaniya zanîne bi dest dikeve.

Di jiyana hemû civakên cîndar de serdestî û bindestî wekî du kirûyên pozber ên lêkneker, li hemberî hevdu hebûna xwe dikudînin. Û ev herdu hêzên dijber û pozber di nav pevçûn û lêkdaneke misêwa û bênavber de ne. Hêzên serwer, bi eger û hinceta ku serdestiya xwe bîdomînin, pergaleke siyasî ava dikin. Û ev pergala wan î siyasî li gorî zagon û qanûnên fermî tê sazîrîn û di çarçoveya bîrdozeke fermî de tê binavkirin. Bîrdoza fermî, pergala siyasî li ser civakê dide ferzkirin. Her wiha raman, zanîn, huner û wêjeya civakê jî li gorî vê bîrdoza fermî tê şewandin. Leşker, artêş, nivîskar, helbestvan, wêjekar, karker, kedkar, endazyar, bijîşk, perwerdekar, aborîzan, zîmanzan û hwd. hemû di bin fermana dewletê de û li gorî bîrdoza fermî kar dikin. Dîsa li gorî fermana dewletê û bîrdoza fermî destûrnameyên fermî bi dest dixin û wekî zana û pisporên dewletê jiyana xwe didomînin.

Bi rastî pîşe, zanîn, têkîlî û pisporiya mirov çi dibe bila bibe, heta ku xwe ji bin bandora bîrdoza fermî ya dewletê reha neke, nikare bibe şayan û şayesteyî ronakbîriyê. Lewre mebesta ronakbîr, azadbûna civakê ye. Ji bo wê divê pêşî ronakbîr azad û serbixwe be. Ango divê ronakbîr, di hemû dem û domanên dîrokî de, li hemberî bîrdoza fermî û serweriya



demê derbikeve, tim û daîm helwest bigire. Û li hemberî hemû xerabî û neyîniyên demê bertek û nerazîbûna xwe nîşan dide.

Di têkoşîna mirovbûyîna mirov û mirovahiyê de, hewlîdan û helwesta ronakbîr roleke pir girîng dilîze. Çendî ku qels û lewaz be jî, îro ev têkoşîn bi hemû giranî û girîngiya xwe didome. Mirov nikare ronakbîriyê wekî bir, kom û an jî rêxistinekê bisenîfine an jî kategorîze bike. Lewre ronakbîrî ne ligorî mêjer û piraniyê, li gorî zanîn û zanyariyê teşe digire. Dibe ku hîzr û nêrîneke şaş ji hêla gelek kesan ve were pejirandin û ecibandin; belê ew nayê wê wateyê ku ev fikr û raman rast û durîst e. Ronakbîr bi tena serê xwe bimîne jî ew, li gorî rêbaz û azîneyên zansitî tevdigere; li fikr û ramana xwre xwedî derdikeve û diparêze.


Kesê/a ronakbîr, di berjewendiyên xwe yên kesane û rojane de nafikire. Ew, bi hemû pîrsgirêk û arîşeyên civakê û kêşeyên mirovahiyê têkildar dibe û serê xwe diêşîne. Di feraseta ronakbîr de, reşbînî, bêhêvîti û qidûmşikestin nîn e. Ew, bixwe hêvî û qinyata civakê ye û ji êş û birînen civakê re dibe melhem. Kî dibe bila bibe, heta ku mirov nebe xwediyê van taybetmendiyên payegiran û qedirbiha, nikare navê ronakbîriyê bi ser xwe bixe û xwe wekî ronakbîr bide nasandin. Jixwe ronakbîrî, ne zanaveke kesane û arizî ye. Ew, ayidê civakê û gelek caran jî ayidê tevê mirovahiyê ye. Ew, derî vîn û daxwaza xwe dibe liyaq û misteheqê vê payedariyê.

Ronakbîr, tu car li gorî vîn û xwesteka kes û rêxistinên fermî an jî li gorî berjewendiyên xwe yên kesane, tevnagere. Ew, bi rasteqîniyên zanistî û berjewendiyên mirovahiyê yên mayînde re têkildar e.

Hewcetiya ronakbîr bi pergalên rêveberiyê, bi artêşên êrîşkar, bi zagon û qanûnên zordar û çewsîner nîn e. Ew, hêz û qudreta xwe ji zanîn û zanyariya xwe werdigire. Sînor û tixûb ji bo wî/wê nîn e. Ne bi hest û dilîniyên xwe, bi hîzr û fikra tevdigere û li hemberî hemû serdestî û zordariyên dinê têdikoşe û nêrîna xwe aşkera dike. Dijmin û dijberê xerabiyê û rikberê reş û tarîtiyê ye.

Belê ronakbîr neyarê serdestiyê, hevrê û hevalbendê bindestiyê ye jî.

Kaniya Helbestan



Bêrî Bihar

Heza baranê

Hez dikim ji baranê,
Ew şanoya zor temaşe,
reşaya ewran,
Tune ye mebest ji bo derketina
bi derve.

Di xaniyan da mayîn bixêrtir e,
Kêm in ew çax bixwe vedan.
Heya destpêka ronahiyê,
Şev bi jêhatîbûna zirkêtkan
dibuhure.

Di hiş de amade ye heman tişt
û
Li hêviya ronahiyê ne.
Dûvpişkên rojê ne, mirov
Bi tîrêjên rojê re dest pê dike,
Bîst û çar saetên bedew.

Dikuskusin çav, ji hevûdu
dîtinê.
Bar nadin rûyên wan nêrînek,
dostanî, bi dilxwazî, rûjenî.
Heya melan bê deng û libatîn.

Bi sayiya esmên û
Bi tîrêjên rojê re destpêdike,
Xwe bixwevedanên dûvpişkên
rojê.

Maç û birîn

Çiqas dereng pê hisiyam,
Bi vê baweriyê derbasî bû
Nîvê temenê min.
Heya ku bi hezar maçan
sax nebû
birîna min ya dil...
Xwezî bi mezin bûyîne re
piçûk bimana,
Xwezî dîsa bi maçên
dayika min sax bibûna
şikestina serê min,
birînen çokên min...
Xwezî dîsa birîndarê
lîstikên xwe yî zaroktiyê bû
ma,
Xwezî lîstikên min paqij û
zarok biman a...

Çeprast:

1. Bê jin – Hişke ba.
2. Xizmetkar û xulamok di Farsî de – Berevajî tê wateya Rêbendan.
3. Hekî ev peyva bê ducarî kirin, navê yek ji teyr û tevala ye – Emr – Yekîtiya cihanî a "Post"ê.
4. Yek ji bajarên Îranê ye – Ji sêvikan tê çêkirin – Di zimanê Îngilîzî de tê wateya E.
5. Bê taqet – Ez û tu.
6. Di laşê mirov de ev rolekî girîng dilîze – Navê lîmanekê ye di Serîlankayê de.
7. Hinek kesan bawerî pê hene – Di Farsî de tê wateya "Xelîz".
8. Navekî mêra ye – Bilêvkirina tîpa Q di Kurmancî de.
9. Şik û guman di Farsî de – Tê vexwarin – Tev.
10. Berevajî tê wateya navê jina Nîlson Mandêla – Navê nexweşiyekê ye.

Serjêr:

1. Navê siyasethanekî Yûnanî ye ku di qisekirinê de zor natiq bû – Wî karî Elkolê keşif bike.
2. Navê îmamekê ye – Endamekî laşê mirov e.
3. Tirs di Farsî de – Ew jî dermanek e – Cem, rex.
4. Ala – Navê jina Mao Tisê Dong.
5. Zîrek – Serê bê tûk.
6. Hekî L bê zêde kirin, tê wateya kevirê pan û nazik – Ji dayîk bû.
7. Ew di Îngilîzî de – Peymanek ku ciyê peymana Bexdayê girt
8. Kurt kiriya destpeyva zanîngeha NY e – Helbestvanekî navdar di Kurdistanê Başûr de bû – Xwe.
9. Moda nû – Tevkuji.
10. Eşîreke Celalî – Ew girava ku Napelon tê de ji dayîk bû.

Besiva Xaçepirsa hejmara 38'an

1		V	A	T	Î	K	A	N	
2			D ₁	Î	Y ₃	A	K	O	S
3	F	A		N	A	L	Î		M
4	Î	R ₅	O					J	A
5	L	A	H	Î		S	I ₂	L	Î
6	Î	R	A	S		E	J	E	T
7	P	A	Ş				O	Z	O
8	Î	T		X	A ₄	N	Î		Î
9	N		K	O	Ç	Î	R	A	
10			A	R	A	D	O	K	S

Peyva veşartî 1 2 3 4 5

Bersiva Sudoku a hejmara 38'an

7	5	9	3	6	8	4	1	2
3	4	8	9	2	1	6	7	5
1	6	2	4	5	7	9	3	8
2	3	4	6	1	9	8	5	7
5	9	6	8	7	3	1	2	4
8	7	1	2	4	5	3	9	6
9	1	7	5	8	4	2	6	3
4	2	5	1	3	6	7	8	9
6	8	3	7	9	2	5	4	1

Xaçepirs

Amadekar: Şehab Xalidî

	1	2	3	4	5	6	7	8	9	10
1										
2										
3			O ₄			O ₂				
4										
5			O ₃							
6										
7										
8										
9										
10										

Peyva veşartî 1 2 3 4

Sudoku

4	9		7		2		1	3
5								4
	6						7	
			8		6			
1	8						9	5
			3		5			
	2						4	
7								1
6	3		1		4		2	8

Xwendevanên hêja!

Ji bo serrast kirina "Sudoku" wan xalên jêrîn li berçav bigirin

1. Hejmarên 1-9'ê di rêza serjêr de dubare nabin.
2. Hejmarên 1-9'ê di rêza çeprast de dubare nabin.
3. Hejmarên 1-9'ê di nava stûneke 3×3 de dubare nabin.

Rojnamevanê Kurd, Îclal Qewamî Tê Dadgehî Kirin

Qirar e roja duşem, 17.07.2006'an, rojnamevanê Kurd,

Îclal Qewamî li dadgeha Komara Îslamî ya Îranê li bajarê Sine were dadgehî kirin. Bêhurmetî kirin bi rêberên rejîmê, xebat dijî tenahî û ewlekariya netewî, têkilî bi partiyên dijber ên Komara Îslamî re, organîzekirina xwenîşandanên sala borî di Kurdistanê de û bezandina ne qanûnî ya tixûb ji tawanên navhatî hatine hesibandin. Divêt Îclal Qewamî di roja diyarîkirî de li dadgehê amade bibe û li hember xalên gunehbarkirî de parêzvanîyê ji xwe bike.

Hêjayî gotinê ye ku Îclal ji endamê Rêveber yê Heftnameya qedexebûyî ya **"Peyama Gel"** e û berê jî tevî Dr. Roya Tilûî(*) û Seîd



Rojnamevanê Kurd, Îclal Qewamî

Saedî bo mîdehê 65 rojan hatibû binçavkirin û her yek ji wan bi garantiya 100 milyon Tûmenan û bi awayê demkî serbest hatin berdan.

* Dr. Roya Tilûî piştî serbestberbûnê ji Kurdistanê Îranê revî û niha li derveyî welat dijî.



Jêder: "cagle.com"

Agehdarî

Navnîşana E-Maila Agirî ya **"rojnama_agiri@yahoo.com"** ji ber hin sedeman ji me re nahê vekirin. Ji kerema xwe bi wî navnîşanî re tevî me têkiliyê çê nekin. Heta vekirina E-Maileke nû jî bi adresa **agiri2003@hotmail.com'**

bi me re têkiliyê çê bikin.

Em lêborînê ji tev aliyekê dixwazin û ji bo encamdana vê daxwazê jî spas dikin.


Desteya Nivîskar ya Agirî
15.05.2006

Zanist û Teknolojî

Damezirandina Wîndowsa XP Di Dema Herî Kurt De

Hemîd Durûdî

Em hemû dizanin di dema damezirandina sistemeke nû li ser Kompyutera xwe, me çiqas dem hewce ye û em çiqas mehtel dibin, bi taybet pirs di nava Kompyuterê, peyva



derbasbûn û "Srial Number"ê û ... Bona vê çendê ku em demê hetanî radeyeke berbiçav kêr bikin, li jêr bi kurtî ez dê di 11 xalan de damezirandina sistema XP ji bo we binivîsinim û êdî hûn dikarin Kompyutera xwe bicih bihêlin û bi xwe hetanî dawiyê karê xwe dike.

Damezirandina Wîndowsa XP di dema herî kurt de

- Ji bo vî karî me hewcehî bi "Floyp Disk"ekê heye.
- 1. Em CD Wîndowsê bixin nava cihê xwandina CD, piştê em diçine nava Foldera **"Supprt"**, li wir em diçine nava Foldera **"Tools"** û li wir jî pergeya **"Deploy. Cab"** kopî dikin û em dê di nava diwarî de biçespînin.
- 2. Piştê em dê Pergeya **"Seupmgr.exe"** vekin û di nava Foldera nû de kopî dikin.
- 3. Em dê Pergeya **"Seupmgr.exe"** vekin û pencereyek bi navê **"Windows setopmangger wizard"** tê vakirin û em jî dê **"Next"** bikin.
- 4. Dubare pencereyek tê vekirin û em dê vê bersîvê **"Creat a naw answer file"** hilbijêrin û dîsa **"Next"** bikin.
- 5. Vê carê jî em dê vê bersîvê **"Installation windows unattended"** hilbijêrin û **"Next"** bikin.
- 6. Li wir em dê cura Wîndowsê hilbijêrin û **"Next"** bikin.
- 7. Vê bersîvê **"Fully automated"** em dê hilbijêrin û **"Next"** bikin.
- 8. Em dê bersîvê **"No this answer file will be used to install from a CD"** hilbijêrin û **Next** bikin.
- 9. Di dawiyê de (**I Accept**)ê qebûl bikin û **"Next"** bikin.
- 10. Li vir em bi dilê xwe de pirsan bibersîvin. Ew pirsene jî gelek asayî ne û bo minak evên jêr in: Demjmêr, peyva derbasbûnê û "Srial Number"ê Wîndowsê.
- 11. Piştî bersîvdana pirsan em dê **"Finish"**ê bitikînin. Niha ev pergeyên ku me bi destve anîne ji navê **"UNATTEND.TXT"**ê ve dê biguherînin bo navê **"WINNT.SIF"**. Niha em dê "Flopy Disk"ê dixine nava "Flopy Driver"ê û pergeyê **"WINNT.SIF"**ê kopy bikin nava filapiyê.

Di dawiyê de hûn dikarin guhartinên xwe di nava wan de bikin û pergeya **"WINNT.SIF"** bi **"Notepad"**ê bikeneve, li wir hûn dikarin guhartinan pêk bînin û piştê paşevt bikin. Ji bo damezirandina Wîndowsê **"patritition"**ê "format" bikin û li wir CD'ya Wîndowsê bixin nava CD xwenerê û Flopy Disk"ê jî bixin nava Filapî xwenerê û kompyutera xwe bicih bihêlin, bi tevahî karên xwe dike û sistemeke nû ji bo we dadimezirîne.